

# Lengan anak

## 'bengkak'

*Pengasuh taska direman bayi  
lelaki 8 bulan patah tulang*

Oleh Zuliaty Zulkiffli  
am@hmetro.com.my

### Alor Setar

**B**ayi lelaki berusia lapan bulan patah tulang lengan kiri disyaki akibat kecuaiannya pusat penjagaan kanak-kanak (taska) di kawasan Anak Bukit di sini.

Kejadian disedari ibu mangsa ketika menjemput anaknya pada jam 5 petang, Khamis lalu dan mendapati lengan kiri bayinya bengkak.

Dia bersama suaminya kemudian membawa anak mereka ke hospital swasta di sini sebelum dirujuk ke Hospital Sultanah Bahiyah (HSB) dan membuat laporan polis.

Ketua Polis Daerah Kota Setar, Asisten Komisioner Ahmad Shukri Mat Akhir berkata, pihaknya menerima laporan daripada pasangan berusia 35 tahun itu



Berikutan itu, seorang wanita berusia 20 tahun yang juga pengasuh taska direman sehingga 9 Jun untuk membantu siasatan”

### Ahmad Shukri Mat Akhir

di Balai Polis Anak Bukit, Jumaat lalu.

“Hasil pemeriksaan doktor mendapati bayi mengalami patah tulang di bahagian atas lengan kiri.

“Berikutan itu, seorang wanita berusia 20 tahun yang juga pengasuh taska direman hingga 9 Jun untuk membantu siasatan.

“Kes disiasat mengikut Seksyen 31 (1) (a) Akta Kanak Kanak 2001,” katanya ketika dihubungi, semalam.